

Fa'ata'ita'iina o Togafitiga ACTT: Fa'amatalaga mo sui 'auai ma Fesili e Masani ona fai

O le ā le fa'ata'ita'iina o ni togafitiga?

O le fa'ata'ita'iina o ni togafitiga o se su'esu'ega fa'afoma'i e aofia ai tagata. O le faia o nei fa'ata'ita'iga e fesoasoani ai i foma'i, ma le 'ausu'esu'e ina ia iloa pe e iai ni vailā'au fou, masini fa'aonapōnei, po'o togafitiga e saogalemu ma e faia le mea na gaosiina ai.

O le ā le mafuaaga e filifili nisi e 'auai?

E 'auai nisi mo le tele o mafuaaga, e aofia ai:

- E lē o lava le aogā o togafitiga o lo'o mauaina
- E leai seisi togafitiga o avanoa e fa'atupeina e le malo
- Mauaina o vaifofo fou po'o vaifofo ua amata ona lauiloa
- E manana'o e fai so latou sao i lo latou soifua mālōlōina
- Fesoasoani e fa'alelei atili le tausiga mo isi i le lumana'i

E leai se mafuaaga e "sa'o" - na'o le mea e te lagona e sa'o mo oe.

Itūaiga o fa'ata'ita'iga o togafitiga

Fa'ata'ita'iga o ni togafitiga

Tofotofoina o se togafitiga (vailā'au, masini, po'o le vaifōfō) e va'ai pe e aogā i se gasegase.

Fa'ata'ita'iga e lē aofia ai ni togafitiga (su'esu'ega)

E leai se togafitiga fou e aofia i lena fa'ata'ita'iga. E va'ava'ai e le 'ausu'esu'e fa'amaumauga o le soifua mālōlōina ina ia mafai ona latou malamalama atili i se gasegase.

O le a fa'amatala atu e le 'au fai fa'ata'ita'iga po'o le ā tonu le fa'ata'ita'iga o lo'o vala'auliaina ai oe e te 'auai ai.

O ou tiute tauave

Afai e te 'auai o le a fesiligia oe e te:

- 'Auai i asiasiga fa'atulagaina
- Mulimuli i fa'atonuga a le su'esu'ega
- Fa'ailoa mai i le 'au fai fa'ata'ita'iga pe a iai ni suiga i lou soifua mālōlōina, fuālā'au po'o le tulaga o lo'o i ai
- Fesili mai pe a iai se mea e te lē malamalama lelei ai



Aogā o le 'auai

E masani ona fa'atāuaina e sui 'auai:

- Va'aiga vavalalata ma le tausiga a se foma'i fa'apitoa
- O le mauaina o ni togafitiga fou e lē maua e le lautele
- O le a'oa'oina o isi mea e fa'atatau i lo latou gasegase
- O le mauaina o le lagolagosua ma o lo'o fa'alogose tasi ia i latou
- Fesoasoani i le fa'aleleiina o le tausiga mo isi tagata

Nisi o lamatiaga e ono tupu i le 'auai

O togafitiga uma e iai lamatiaga, atonu e aofia ai:

- Ni a'afiaga, e aofia ai ma ni a'afiaga e le'i fa'atalitalia
- E ono lē fesoasoani le togafitiga ia te oe
- Atonu e ono tu'u oe i se vaega o sui 'auai e lē mauaina le togafitiga fou ae fa'aaogā mo le faia o fa'atusatusaga (comparison or placebo group) (e ese'ese uma fa'ata'ita'iga ae o le a talanoaina i le taimi o le maliega)

E fa'amatala manino mai lamatiaga ae e te le'i faia se filifiliga, ma e va'ava'ai pea lou saogalemu a'o fa'agasolo le su'esu'ega.

O au aiā tatau o se sui 'auai

E iai pea lau aiā e:

- Fesili i so'o se taimi
- Fa'aalu se taimi e filifili ai
- Aumai le āiga/po'o nisi e lagolagoina oe
- Fa'au i tua le 'auai i so'o se taimi
- Fa'aaauau pea ona e mauaina le tausiga e masani ona e mauaina
- Puipua fa'alilolilo au fa'amaumauga totino



O le 'auai e tauofo ma o au fa'amaumauga o le a taulimaina e tusa ai ma tulafono fa'alotoifale o le tausia fa'alilolilo o fa'amaumauga totoino.

Su'e se fa'ata'ita'iga o togafitiga

E mafai ona e:

- Talanoa ma le tou foma'i fa'aleāiga po'o se foma'i fa'apitoa
- Asiasi i le upega tafa'ilagi mo Fa'ata'ita'iga o lo'o avanoa le 'Auai iai
- Fa'afeso'ota'i le matou 'auvaega – e matou te fiafia e talatalanoa



Sui 'auai i le lumana'i

Vili le: **0800 ENROLL (0800 367 655)**

Lafo mai se fe'au tusitusia pe vili le: **021 581 805**

Imeli: **participants@aotearoatrials.nz**

Upega tafa'ilagi:

www.aotearoatrials.nz/participants

Future medicine,
delivered locally



Call 09 270 9758
Email info@aotearoatrials
www.aotearoatrials.nz

